

Cunghgoz Minzcuz Yijvwnz Fanhyizgiz Bae Gvangjsih Sawcuengh Hagdangz Diuyenz

Ndwen 10 ngoenz 24 banhaet, Cunghgoz Minzcuz Yijvwnz Fanhyizgiz 30 lai vunz, youz Lij Yuzlen、Ginh Yinghgauj song boux fugizcangj daiq-lingx bae Gvangjsih Sawcuengh Hagdangz diucaz yenzgiu Cuengh Gun fanhoiz yinzcaiz gungganq cingzgvang.

Doengh boux lingjdauj caeuq bouxfanhoiz lauxhangz Cunghgoz Minzcuz Yijvwnz Fanhyizgiz camgya baez diuyenz hozdung neix itgungh miz Mungz、Cang、Veiz、Hah、Cauz、Yiz、Cuengh 7 aen vwnzsiz. Gvangjsih Sawcuengh Hagdangz Loz Gvangjiyh suhgi caeuq Veiz Souvwnz fuyaucangj、Dwnz Mingzsinh diuyenzyenz caeuq hagdangz mbangj boux lauxsae Sawcuengh camgya diuyenz hozdung. Youq gwnz aenhoih diuyenz neix, Dwnz Mingzsinh diuyenzyenz dawz

hagdangz fazcanj bienqvaq、Cuengh Gun yinzcaiz gungganq、dangqnaj hagdangz fazcanj bungzdaengz gij seizgei caeuq gunnanz, gij maq-muengh hagdangz swnggaep fazcanj daengj geij aen fuengmienh lwnh hawj diuyenzcuj nyi. Lij Yuzlen fugizcangj dawz ndaw giz doengh gij ciznwnz fanhoiz、yenzgiu、yenzgiu haifat daengj gaisau hawj gyoengq lauxsae nyi, caemhcaiq maqmuengh gyoengq lauxsae lumj doenghbaez ityiengh haeujsim、cihciz gij hong fanhoiz Cunghgoz Minzcuz Yijvwnz Fanhyizgiz. Doeklaeng, Ginh Yinghgauj fugizcangj daiyauj ndaw giz soengq 10 dauq yonjen Sawcuengh ndaw danhvei haifat haenx caeuq 600 lai cek saw soengq hawj hagdangz.

(Lanz Siujyinz raiz Dwnz Mingzsinh ingjsiengq)



▲ Haihoih diuyenz.



▲《Dujcaij Mbinfoed》(Benhmyauz) ndaej mingz daih'it.

Lungzlinz Myaucuz Beixnuengx Doxdax Fouxgvangjcangz

Ndwen 10 ngoenz 26 banhaemh, Lungzlinz Gak Cuz Swciyen vunzlai Myaucuz ciengqgo diuqfoux angqhoh Lungzlinz Myauzyozvei banh gaiq nduj doxdax fouxgvangjcangz.

Haemhhaenx, daengx yienh 6 aen nga Myaucuz 14 aen doihdaiqbiuj camgya baez doxdax neix, doenggvaq doxdax, 《Dujcaij Mbinfoed》(Benhmyauz) ndaej mingz daih'it; 《Haemhneix Fwenmyauz Ceiq Lai》(Benhmyauz)、《Gij Gyaez Youq Ciet Diuqbo》(Hungzdouzmyauz) faenbied ndaej mingz daihngcih; 《Seizcin Bya'myauz》(Cinghsuijmyauz)、《Fwen Couxhek Mbanjmyauz》(Hungzdouzmyauz)、《Fwen Couxhek Mbanjmyauz》(Su'myauz) faenbied ndaej mingz daihsam, gizyauz 8 aen doihdaiqbiuj ndaej ciengj maenhndei.

Ciuq cam rox, baez doxdax neix muzdiz dwg nyinhcaen gvancez doeksaed gij yihi youqgaenj vwnzva gagsaenq Siz Ginbingz cungjsuhgi, bangdoi vut gungz gunggeng, hoenghvuengh minzcuz vwnzva yisuz, fungfouq gij cingsaenz vwnzva ndwenngoenz vunzlai, hawj gyoengq bouxyaenz diuqfoux doxhag doxgyau, doidoengh daengx biengz beksingq lienhdang cangqheiq hwngfat, cungfaen langhbaij gij yiengh-siengq moq vunzlai seizdaih moq.

(Yangz Dwnghliengz/杨登良)

Sanhgyangh: Vaiz Doxdaemj Yinx Bouxhek Daeuj Yawjngonz

Ndwen 10 ngoenz 26, Sanhgyangh Duncuz Swciyen banh gaiq nduj gietsaiq Sanhgyangh vaiz doxdaemh doxdax, 12 duz vaiz daj Gveilinz、Lozcwnz、Sanhgyangh daengj dieg yinh daeuj haenx youq aen guenj vaiz doxdaemj moq rongzroeg Mbanjdung doxdax, ginggvaq dauzdai doxdax、doxlwnz doxdax daengj gietsaiq, hawj bouxyawj yienhciegz yawj ndaej gvaqyinx dangqmaz, ndaw aen guenj vunz lai vunz daih.

Vunz Duncuz gyaenz gij hozdung vaiz doxdaemj, haujlai dwg youq seizcin seizcou guh, yungh neix gungganq gij cingsaenz binjiz gyoengqvunz mbouj lau hojnanz、gaenxguh baenaj、ciengxlwenx mbouj fug saw, seizneix gij hozdung vaiz doxdaemj gaenq hwngfat baenz Mbanjdung vwnzva lijyouz loh doxdax hanghmoeg ndei ndeu.



▲ Song duz vaiz doxdaemj, vunzlai yawj yinx dangqmaz.

Denzyangz Ciengqgo Diuqfoux Angqhoh Ciet Vanzvei Gunghyinz



▲ Vanzvei gunghyinz hwnjdaiz biujyienj.

yung Hung》、gofoux 《Ngoenzcog Ndae Engq Ndei》daengj buek cezmuiz ndei ndeu hawj gyoengq bouxyawj, mboujdan ciengqgo diuqfoux angqhoh ciet vanzvei gunghyinz gaiq daihngcihcib sam Gvangjsih, youh cungfaen langhbaij vanzvei gunghyinz gij cingsaenz yienghsiengq fouzsei okrengz caeuq gaenxguh baenaj.

(Vangz Gozsun/黄国顺)

Bineix ndwen 10 ngoenz 26 dwg ciet vanzvei gunghyinz gaiq daihngcihcib sam Gvangjsih, ndwen 10 ngoenz 24 banhaemh, Denzyangz Yen youq dalij-dangz Aen Cungsim Vwnzva Baeuqroxdoh banh aen vanjvei cunghyi “gyaeu-ndei vuenyungz Denzyangz moq”, vanzvei gunghyinz caeuq bouxyienj yienjheiq caemh daiz biujyienj, yienj heiqcingzgingj 《Vanzvei Gunghyinz》、siujbinj 《Nyapnyaj Faenloih Coz-